

Headline	Mengenang perjuangan pesakit HIV/Aids		
MediaTitle	Sinar Harian (Pahang)		
Date	05 Jun 2016	Color	Full Color
Section	NEWS	Circulation	20,000
Page No	40	Readership	60,000
Language	Malay	ArticleSize	198 cm ²
Journalist	N/A	AdValue	RM 1,387
Frequency	Daily	PR Value	RM 4,161



Mengenang perjuangan pesakit HIV/Aids

KUANTAN - Bertemakan Together We Remember, Tanah Perkuburan Kampung Peramu, Tanjung Lumpur di sini menjadi lokasi sambutan Hari Aids Antarabangsa 2016, baru-baru ini.

Bagi memperingati perjuangan pesakit HIV/Aids sama ada yang masih hidup atau telah meninggal dunia, sambutan itu disertai kira-kira 200 sukarelawan yang turun padang membersihkan tanah perkuburan tersebut selain mengadakan majlis tahlil dan bacaan Yasin.

Program anjuran Drugs Interventions Community (DiC)

Pahang dengan kerjasama ISEAN Hivos Programme dan Jabatan Kesihatan Negeri Pahang itu turut menyaksikan penyertaan pelbagai agensi seperti Pejabat Kesihatan daerah, Majlis Perbandaran Kuantan (MPK) dan Alam Flora.

Koordinator program, Salehuddin Saadan memberitahu, lokasi tanah perkuburan julung kalinya menjadi lokasi sambutan tahun ini yang disambut pada Mei setiap tahun.

Setiausaha Kehormat DiC Pahang itu berkata, sebelum ini pelbagai lokasi menjadi pilihan dan ia selaras dengan tema sambutan

kali ini.

"Selain penyertaan pelbagai agensi, NGO seperti Pertubuhan Berlian yang disertai komuniti mak nayah turut turun padang dalam program itu, selain penglibatan Jawatankuasa Kemajuan dan Keselamatan Kampung (JKKK) Tanjung Lumpur.

"Ini adalah satu pengisian program sempena sambutan kali ini dengan aktiviti yang turut disertai sukarelawan daripada pelbagai peringkat bergotong-royong membersihkan kawasan tanah perkuburan," katanya.



Antara sukarelawan yang bergotong-royong membersihkan Tanah Perkuburan Kampung Peramu.